

佛說正恭敬經

元魏天竺三藏佛施身多譯

如是我聞一時佛住舍衛國祇樹給孤獨園與聲聞比丘二百五十人俱菩薩五百人皆是如來種子權行六道助佛揚化知衆生根威德自在顯發如來方便密教其名曰生疑菩薩寶德菩薩光明王菩薩慧登菩薩德臻菩薩志遠菩薩无畏菩薩覺首菩薩財首菩薩寶首菩薩德首菩薩目首菩薩進首菩薩法首菩薩智首菩薩賢首菩薩如是等菩薩摩訶薩五百人俱

尔時尊者阿難白佛言世尊樂法善男子善女人當云何敬法及敬法師尔時世尊告阿難言止止阿難今時衆生不能恭敬及有敬法

阿難白佛言世尊我今樂法及以敬法已敬當敬世尊自我親近如來以來未曾得聞如此法門以不聞故恭敬如來必失儀則今若聞者故得如法修行是事世尊復有樂法善男子

正恭敬經 第五張 跋

善女人聞此法門即得修行世尊復有如來法中出家比丘貧窮下賤但求衣食不樂求法及敬法師雖復親近佛法而行下賤不能隱覆必當示現世尊是故我今現在自為并及未承一切比丘諮請如來如是敬法世尊我等云何得修正行惟願如來為我解說

佛告阿難樂敬法善男子善女人若欲讀誦請問往至經法應當和上阿闍黎所至其所已應問和上阿闍黎如來正法隨心所樂當知和上阿闍黎心所知法先應諮請聽問以不師若聽者然後乃問雖復歲數若二十為樂法故應往諮請及受依止何以故如來法中雖聽五歲比丘得離依止然彼人以初敬為法求樂法故何以故是人為欲成就自德行故阿難彼阿闍黎者應如是與依止或言可或言如是或言尔或言利或言教誨或言謹慎行莫放逸如法端正修行作如是與依止比丘成就如是等法可與依止彼得名為成就依止假

正恭敬經 第六張 跋

使百歲比丘不能通達如是等句彼人應受依止況能與他作依止師若使無歲比丘成就如是等法沙門密語即得名為以受依止假使百歲自不達如是等法諸句律者彼應受依止是中誦經比丘應於阿闍黎所作敬重心及正恭敬彼讀誦受經者在阿闍黎前不得露齒不得瞻足不得動足不得疊足不得踣足不得拈足不得高座處坐師不借問亦不得語不得違師語不得一向瞻相師面住在師前三肘而立師聽坐即坐坐已於師所起慈悲心彼誦經者應先誦熟熟者誦已從師受經任意多少隨諸法門中若有疑者先應諮請聽問以不師若聽可然後當問彼受經已右膝著地兩手接札師足若地處惡者隨所有道却退而行當至平處若地處先平彼應札師足然後當行行至十肘復更作札然後隨道而行彼應作如是念阿闍黎常逐我後我不能遠離阿闍黎彼應知時日三時到阿闍黎所若不到者應如法治若到而不見

阿闍黎者彼應若草若木若杖若土塊若石令作記識若阿闍黎在房宴坐者彼應旋房札敬然後當行若有所作不問師亦不得作除大小便不得向師作麁穢惡語不得重偈師語隨師所坐之處若繩牀若木牀皆不得坐彼牀若壞即應治之彼應晨朝時往知時往不得非時往彼往已應問阿闍黎當何所須及何所作而入聚落不若言入阿闍黎所有衣被應洗手自衣拭手兩手捉師衣已著淨履先與師淨水洗手然後授衣與師於後安施會拂塵與之或覆身衣或雨衣或所須餘衣資用之者彼應如是敬不得阿闍黎前嘔唾若寺內若寺東西不得左右反抄衣不得纏頭隨師所居有經行處掃灑令淨日三時拂扇三時洗浴三時諮問取水為師乞食若師有所作者彼應用力作之若食竟應從師索鉢洗之若與先洗師鉢然後自洗已鉢師若不與不得重索何以故阿難未來有如

有洗者彼學我故自欲洗之如來聽如是等人夏取清涼冬取溫燠隨所須者皆應得取不得師前嚼楊枝不得說師若好若惡若遙見師應起迎接阿難若從讀誦諮請一四句偈是名阿闍黎是故彼應恭敬阿闍黎阿難若不如是敬阿闍黎者以不敬故住不正行說師過惡者彼不說我以為世尊何以故阿難彼人不重佛不敬法不在僧數何以故阿難如是癡人不得名為住正行中阿難住正行者我為彼人說佛法耳

上火然如熱鐵丸是有諸由名為鐵狗常所食取彼人舌根是處命終生畜生中作虎狼野干衆生見者皆唱言是虎狼野干有所見者无能喜樂以本口過故常食糞穢受報已盡復生人中常在邊地無佛法處雖生人中具足衆惡遠離功德身形色力不類人狀稟受身形不似父母不為父母之所憐愛常被惡謗遠離諸佛生生愚癡闇鈍無智墮地獄何以故以不恭敬教授施法濟拔難者故阿難如是等人數得苦法阿難假使讀誦受持一四句偈及以經卷書寫供養隨彼字等劫若頂若肩若背荷負彼師及一切樂具而供養之阿難如是供養已猶不能報阿闍黎恩佛告阿難未來世中有如是等諸惡比丘得是經已而不恭敬阿闍黎和上者以无行故說阿闍黎和上過我今當記如是比丘愚癡人等墮諸地獄受大苦惱阿難我今告汝及以正勅如來以說善惡道行隨彼衆生所行善惡得報如是是故阿難汝等今當

正恭敬經 第七使跋

應善恭敬應善思量阿難善恭敬善

男子善女人得此法門者讚歎出離

訶欲不淨諸塵垢盡得法眼淨

尔時阿難更整衣服白佛言世尊此

法之要當名何經比丘比丘尼優婆

塞優婆夷去何受持修行於未來世

紹三寶種使不斷絕佛告阿難此經

名為正恭敬如是受持所謂愛佛愛

法愛僧佛說是經已尊者阿難及諸

比丘并諸菩薩聞佛所說皆大踴躍

歡喜奉行

佛說正恭敬經

癸卯歲高麗國分司兼都監奉
勅彫造

佛說正恭敬經

校勘記

一 底本，麗藏本。

一 二四六頁上三行第八字「住」，**資**、**磧**、**普**、**南**、**徑**、**清**作「在」。

一 二四六頁上八行第一一字「登」，**資**、**磧**、**普**、**南**、**徑**、**清**作「在」。

一 二四六頁上八行第一一字「登」，**資**、**磧**、**普**、**南**、**徑**、**清**作「登」。

一 二四六頁上一六行第一三字「今」，**資**、**磧**、**普**、**南**作「尔」。

一 二四六頁中二行第三字「來」，**資**、**磧**、**普**、**南**、**徑**、**清**作「是」。

一 二四六頁下末行第四字「到」，**磧**作「能」。

一 二四六頁下末行第一二字「而」，**磧**作「時」。

一 二四六頁下末行第一二字「而」，**磧**作「時」。

一 二四七頁上五行末字「循」，**資**、**磧**、**普**、**南**、**徑**、**清**作「循」。

一 二四七頁上五行末字「循」，**資**、**磧**、**普**、**南**、**徑**、**清**作「循」。

一 二四七頁上九行第八字「何」，**徑**作「向」。

一 二四七頁上九行第八字「何」，**徑**作「向」。

一 二四七頁上一三行第六字「陀」，**資**、**磧**、**普**、**南**、**徑**、**清**作「多」。

一 二四七頁上一三行第六字「陀」，**資**、**磧**、**普**、**南**、**徑**、**清**作「多」。